


唐詩類苑



唐詩類苑第八十四卷

仁和卓明卿澂父編輯

華亭張之象玄超

長洲毛文蔚豹孫同校

居處部

第

張說侍宴武三思山第同用風字一首

梁王池館好曉日鳳樓通竹町羅千衛蘭筵降兩宮
清歌芳樹下妙舞落花中臣覺筵中聽還如大國風

常安石侍宴武三思山第同用風字一首

梁園開勝境軒駕動宸衷早荷承湛露修竹引清風
九醞傾鍾石百獸協絲桐小臣陪宴鎬獻壽奉維嵩
宅

李嶠咏宅一首

寂七蓬蒿徑喧七湫溢廬屢逢長者轍時引故人車
孟母遷隣罷將軍辭第初誰怜草玄處獨對一牀書
張說修書院學士奉勅宴梁王宅賦得樹字

一首

虎殿成鴻業依岩題鳳賦既荷大君恩還蒙小山遇
秋吹迎絃管涼雲生竹樹共惜朱邱歎无辭洛城暮

武三思奉和過梁王宅即目應制一首

巖屋多水石野宅涵風烟本謂開三徑俄欣降九天
穿林移步輦拂岸轉行旃鳳竹初垂籜龜荷未吐蓮
顏持山作壽恒川劫為年

沈佺期奉和聖製幸禮部尚書竇希玠宅應制一首

北闕垂旒暇南宮聽禮迴天臨降鳳轉恩回躍龍開
蘭氣薰仙帳榴花引玉盃水從金穴吐雲是玉衣來
池影搖歌席林香散舞臺不知行漏晚清蹕尚徘徊
蘇頲奉和聖製幸禮部尚書竇希玠宅應制

一首

尚書列侯第外戚近忘家飛棟臨清綺迴輿轉翠華
日交當戶樹泉漾隔池花圓頂圖嵩石方流擁魏沙
豫遊今聽履侍從昔鳴加自有天文降無勞訪海槎

杜甫兩當縣吳十侍御江上宅一首

寒城朔烟淡山谷落葉赤陰風千里來吹汝江上宅
鷓鴣號枉渚日色傍阡陌借問持斧翁幾年長沙客
哀七失木狄矯七避弓翮亦知故鄉樂未敢思宿昔
昔在鳳翔都共通金閨籍天子猶蒙塵東郊暗長戟
兵家忌間諜此輩安接跡臺中領舉劾君必慎剖折

不恐殺無辜所以分黑白上官權許與失意見遷斥
仲不甘旅人向子失捐益朝廷非不知閉口休嘆息
余時忝諍臣丹陛實咫尺相看受狼狽至此誰塞責
行邁心多遘出門無與適於公負明義惆悵頭更白

杜甫入宅三首

奔峭皆赤甲斷崖當白鹽客屈媿遷次春色漸多添
花亞欲移竹鳥窺新卷簾衰年不敢恨勝槩欲相兼

二

亂後屈難定春歸客未還水生魚復浦雲煖麝香山
半項梳頭白過眉拄杖斑相看多叟者一一問函關

三

宋王歸州宅雲通白帝城吾人淹老病旅食山才名
峽口風常急江流氣不平只應與兒子颺轉任浮生
堂

王昌齡裴六書堂一首

閑堂閉空陰竹木但清響窻下長嘯客區中無遺想
經綸精微言蕪濟當獨往

杜甫晚登瀼上堂一首

故躋瀼岸高頗免崖石擁開襟野堂豁繫馬林花動
雉堞粉如雲山田麥無隴春氣晚更牛江流靜猶湧

四序嬰我懷群盜久相踵黎民困逆節天子渴垂拱
所思注東北深峽轉脩聳衰老自成病郎官未爲冗
溘其望呂葛不復夢周孔濟世數嚮時斯人各枯塚
楚岸南天黑蜀月西霧重安得隨鳥翎迫此懼將恐
虞世南侍宴歸鴈堂一首

歌堂面綠水舞館接金塘竹開霜後翠梅動雪前香
鳧歸初可侶鴈起欲分行刷羽同栖集懷恩愧稻梁
賈至贈裴九侍御昌江草堂彈琴一首

朔風吹踈林積雪在崖巘鳴琴草堂響小澗清且淺
沉吟東山意欲去芳歲晚悵望黃綺心白雲若在眼

岑參終南雙峰草堂一首

歛跡歸山田息心謝時輩畫還草堂卧但見雙峰對
興未資佳遊事愜符勝槩著書高窓下日夕見成內
曩爲世人誤遂負平王愛久向林壑辭及來杉松大
偶茲精廬近數預名僧會有昔逐樵漁盡日不冠帶
崖口上新月石門破蒼靄色向群木深光撻一潭碎
緬懷鄭生谷頗憶嚴子瀨勝事猶可追斯人邈千載

岑參東歸留題太常徐卿草堂一首

不謝古名將吾知徐太常年纔三十餘勇冠西南方
頃曾策匹馬獨出持兩槍虜騎無數來見君不敢當

漢將小衛霍蜀將凌閔張卿益月清澄將星轉光芒
復居少城北遙對岷山陽車馬日盈門賓客常滿堂
曲池蔭高樹小徑穿叢篁江鳥飛入簾山雲來到床
題詩芭蕉滑對酒棕花香諸將射獵皆君在翰墨場
聖主賞勲業邊城最輝光與我情綢繆相知久芬芳
忽作萬里別東歸三峽長

岑參緱山西峰草堂作一首

結廬對中嶽青翠常在門遂耽水木興盡作漁樵言
頃來闕章句但欲閒心魂日色隱空谷蟬聲喧暮村
曩聞道士語偶見清淨源隱几閱吹葉乘秋眺帰根

鹿遊念求仲開徑招王孫片雨下南澗孤峰出東原
栖遲慮益淡脫畧道弥敦野霧晴拂枕客帆遙入軒
尚平今何在此意誰與論佇立雲去盡蒼七月開園
盧象家叔徵君東溪草堂二首

閑山十餘里青壁深相倚欲識堯昔天東溪白雪是
雷聲轉幽壑雲氣香流水澗影生龍蛇岩端翳檉梓
大道終不易君恩渴能已鶴筭无昔老龜言攝生理
浮年咲六甲元化潛一指未暇掃雲梯空慙阮家子

二
今朝共遊者得性聞未歸已到仙人家莫驚鷗鳥飛

水深嚴子釣松挂巢父衣雲氣轉幽寂溪流無是非
名理未足羨腥臊謳所稀自惟負貞意何歲當食薇
題武林臨草堂一首

草堂列仙樓上在青山頂戶外窺數峰堦前對雙井
雨來花盡濕風度松初冷登棧行不疲入溪語弥靜
未能去塵服蕪歆事金鼎正直心所存譎諛長自省
適知幽遁趣已覺煩慮屏更愛雲林閑吾將卧南嶺
杜甫寄題江外草堂一首

我生性放誕雅欲逃自然嗜酒愛風竹卜居此林泉
遭亂到蜀江卧病遣所便誅茅初一畝廣地方連延

經營上元始斷手寶應年敢謀土木麗自覺面勢堅
亭臺隨高下敞豁當清川雖有會心侶數能同釣舡
干戈未偃息安得酣歌眠蛟龍無定窟黃鵠摩蒼天
古來賢達士寧受外物牽碩惟魯鈍姿豈識悔吝先
偶携老妻去慘淡凌風烟事迹無固必香貞愧雙全
尚念四外松蔓草易拘纏霜骨不堪長未為隣里憐

杜甫草堂一首

昔我去草堂蠻夷塞城都今我歸草堂成都適无虞
請陳初亂昔反覆乃須史大將赴朝廷群小起異圖
中宵斬白馬盟歎氣已麓西取邛南兵北斷劍閣隅

布衣數十人亦擁專城屈其勢不兩大始聞蕃漢殊
西卒却倒戈賊臣互相誅焉知肘腋禍自及梟獍徒
義士皆痛惜紉綱亂相踰一國實三公萬人歎為魚
唱和作威福孰肯辯無辜眼前列杻械背後吹笙竽
談笑行殺戮濺血滿馬衢到今川錢地風雨聞號呼
鬼妾與鬼馬色非充下娛國家法令在此又足驚吁
賤子且奔走二年望東吳孤矢暗江海難為遊五湖
不忍竟舍此復來薤榛蕪入門四松在步堞萬竹疎
舊犬喜我歸低徊入衣裾隣舍喜我歸沽酒携胡蘆
大官喜我來遣騎問所須城郭喜我來賓客隘村墟

天下尚未寧健兒勝腐儒飄飄風塵際何地置老夫
於時見疣贅音髓幸未枯飲啄愧殘生食薇不敢餘

杜甫王錄事許修草堂貲不到聊小詰一首

為喚王錄事不寄草堂貲昨屬愁春雨能忘欲漏時

杜甫草堂卽事一首

荒村建子月獨樹老大家雪裏江舡渡風前徑竹斜
寒魚依密藻宿鹭起圓沙蜀酒禁愁得無錢何處賒

杜甫舍弟占歸草堂檢校聊示此詩一首

久客應悟道相隨獨爾來孰知江路近頻為草堂迴
鵝鴨宜長數柴荆莫浪開東林竹影薄膈月更須栽

杜甫從驛次草堂復至東屯二首

峽裏歸田客江邊借馬騎非尋戴安道似向習家池
山險風烟合天寒橘柚垂築塲看斂積一學楚人爲

二

短景難高卧衰年独此身山家蒸粟暖野飯射麋新
世路知交薄門庭畏客頻牧童斯在眼出父實爲鄰

杜甫崔氏東山草堂一首

愛汝玉山草堂靜高秋爽氣相新鮮有時自琴鐘磬
響落日更見漁樵人盤剝白鷗谷口栗飯煮青泥坊
底芹何爲西莊王給事柴門空閉鎖松筠

杜甫將赴成都草堂途中有作先寄嚴鄭公
五首

得歸茅屋赴成都真爲文翁再剖符但使閭閻還揖
讓敢論松竹久荒蕪魚知丙穴猶來美酒憶郫筒不
用沽五馬舊曾詣小徑幾回書札待潛夫
處上青江帶白蘋故園猶得見殘春雪山斥候無兵
馬錦里逢迎有主人休恠兒童延俗客不教鵝鴨惱
比隣習池未覺風流盡况復荊州賞史新

竹寒沙碧浣花溪菱刺藤稍咫尺迷遊客徑須愁出
入居人不自解東西書籤藥裹封蛛網野店山橋送

馬蹄肯籍荒庭春草色先判一飲醉如泥

常恐沙崩損藥欄也從江濫落風湍新松恨不高千
尺悲竹應須斬萬竿生理祇憑黃閣老衰顏欲付紫
金丹三年奔走空皮骨信有人間行路難

錦官城西生事微烏皮几在還思歸昔去爲憂亂兵
入今來已恐隣人非側身天地更懷古回首風塵耳
息機共說總戎雲鳥陣不妨遊子芰荷衣

杜甫堂成一首

背郭堂成蔭白茅綠江路熟俯青郊楹林礙日吟風
葉籠竹和烟滴露梢暫止飛鳥將數子頻來語燕定

唐詩類 卷之八 五言 九
新巢傍人錯比楊雄宅懶惰無心作解嘲

杜甫在夫一首

萬里橋西一草堂百花潭水即滄浪風含翠篠娟娟
淨兩衰紅蕖冉冉香厚祿故人書斷絕恒饑稚子色
淒涼歎填溝壑唯踈放自咲狂夫老更狂

齋

王昌齡巴陵劉處士東齋作一首

劉生隱岳陽心遠洞庭水偃帆入山郭一宿楚雲裡
竹映秋館深月寒江風起烟波桂陽接日夕數千里
嫋嫋清夜猿孤舟坐如此湘中有來鴈雨雪候音旨

孟浩然韓大使東齋會諸學士一首

郡守虛陳榻林間召楚材山川祈雨畢品物喜晴開
抗禮尊縫掖臨流揖渡盃徒攀朱仲李誰薦和羹梅
翰墨緣情製高深以意裁滄洲趣不遠何必問蓬萊

岑參郡齋閑坐一首

負郭無良田屈身徇微祿平生好踈曠何事就羈束
幸曾趨丹墀數得侍黃屋故人畫綵寵誰念此幽獨
州縣非宿心雲山欣滿目頃來廢章句終日披案牘
佐郡竟何成自悲徒碌乚

張九齡郡內閒齋一首

郡閣晝常掩庭蕪日復滋澹風落鳥毳窻葉掛蟲絲
拙病宦情少羈閑秋氣悲理人無異績為郡但經時

杜甫白水縣崔少府高齋二十韻一首

客從南縣來浩蕩元與適旅食白日長况當朱炎赫
高齋坐林杪信宿遊衍間清晨陪躋攀傲睨俯峭壁
崇岡相枕帶曠野懷咫尺始知賢主人贈此遣愁寂
危堦根青冥層冰生浙瀝上有无心雲下有欲落石
泉聲聞復自動靜誰所激鳥呼燕其身有似惧彈射
吏隱適情性蒸焉其屈宅白水見舅氏諸翁乃仙伯
杖藜長松陰作尉窮谷僻為我炊雕胡迢遞展良覲

坐久風頗怒晚來山更碧相對十丈蛟歛翻盤渦析
何得空裡雷殷七尋地脉烟氛藹蒼翠颺颺森慘戚
崑崙崕同嶺迴首如不隔前軒顏反照巉絕華嶽赤
兵氣漲林巒川光雜鋒鏑知是相公軍鉄馬雲霧積
玉觴淡無味胡羯豈強敵長歌激屋梁淚下流衽席
人生半哀樂天地有順逆慨彼萬國夫休明備征狄
猛將紛填委廟謀畜長策東郊何昔開帶甲且未釋
欲告清宴疲難拒幽明迫三嘆酒食傍河由似乎昔

李白秋日與張少府楚城常公藏書高齋作

一首

日下空亭暮城荒古跡餘地形連海盡天影落江虛
舊賞人雖隔新知樂未踈綵雲思作賦丹壁間藏書
楂擁隨流葉萍開出水魚夕來秋興滿回首意何如

陳子昂李三書齋一首

灼灼青春仲悠々白日昇聲容何足恃榮吝坐相矜
願與金庭會將待玉書徵還丹應有術烟駕共君乘

高適同衛八題陸少府書齋一首

知君溥州縣好靜無冬春散帙至栖鳥明灯留故人
深房鵬酒熟高院梅花新若是周旋地當令風義親

杜審言夏日過鄭七山齋一首

共有樽中好言尋谷口來薜蘿山徑入荷芰水亭開
日氣含殘雨雲陰送晚雷洛陽鐘鼓至車馬繫遲回

高適同熊少府題盧主簿茅齋一首

虛院野情在茅齋秋興存孝廉趨下位才子出高門
乃繼幽人靜能令學者尊江山歸謝客神鬼下劉根
階樹昔攀折窓書任討論自堪成独往何必武陵源

王昌齡齋心一首

女羅覆石壁溪水幽濛瀛紫葛蔓黃花娟々寒露中
朝飲花上露夜卧松下風雲英化爲水光采與我同
日月蕩精魂寒々天府空

唐詩類苑卷之八十四 五 處部 十一 杜詩類本

屋

杜甫茅屋為秋風所破歌一首

八月秋高風怒號，卷我屋上三重茅。飛渡江酒江，
郊高者挂罾，長林稍下者飄轉。沈塘坳南村，群兒欺
我老無力，恐能對面為盜賊。公然抱茅入竹去，唇焦
口燥呼不得，歸來倚杖自嘆息。俄頃風定雲墨色，秋
天漠漠向昏黑。布衾多年冷如鐵，嬌兒惡卧踏裏裂。
床床屋漏无乾處，雨脚如麻未斷絕。自經喪亂少睡
眠，長夜沾濕何由徹。安得廣廈千萬間，大庇天下寒
士俱歡顏。風雨不動安如山，嗚呼何肯眼前突兀見。

此屋吾廬獨破受凍死亦足

杜甫暮春題瀼西新賃草屋五首

又嗟三峽客，再與暮春期。百舌欲無語，繁花能幾時。
谷虛雪氣薄，波亂日華遲。戰伐何由定，哀傷不在茲。

二

此郊千樹橘，不見比封君。養拙干戈際，全生麋鹿群。
畏人江北學，旅食瀼西雲。萬里巴渝曲，三年實飽聞。

三

絲雲陰復白，錦樹晚來青。身世雙蓬鬢，乾坤一草亭。
哀歌時自短，醉舞為誰醒。細雨荷鋤立，江猿吟翠屏。

唐詩類苑卷之八十四 五 處部 十三 杜詩類本

四

壯年學書劍他日委泥沙事主非無祿浮生卽有涯
高齋依藥餌絕域改春華喪亂卅心破王臣未一家

五

欲陳濟世策已老尚書郎不息豺虎聞空慙鴛鷺行
時危人事急風逆羽毛傷落日悲江漢中宵淚滿床

杜甫自瀼西荆扉且移居東屯茅屋四首

白鹽危嶠北赤甲古城東平地一川穩高山四面同
烟霜凄野日秔稻熟天風人事傷蓬轉吾將守桂叢

二

東屯復瀼西一種住青溪來往蕪茅屋淹留爲稻畦
市喧宜近利林僻此無蹊若訪衰翁語須令賸客迷

三

道北馮都使窩叁見一川子能渠細石吾亦沼清泉
枕帶還相似柴荆卽有焉斫畚應費日解纜不知年

四

牢落西江外參差北戶間又遊巴子宅卧病楚人山
幽独移佳境清深隔遠關寒空見鴛鷺迴首向朝班

杜甫栢學士茅屋一首

碧山學士焚銀魚白馬却走身崑崙古人已用三冬

足年少今開萬卷餘晴雲滿戶團領蓋秋水浮階溜
决渠富貴必從勤苦得男兒須讀五車書

室

杜甫一室一首

一室他鄉遠空林暮景懸正恐聞塞笛獨立見江船
巴蜀來多病荆蠻去幾年應同王粲宅番井峴山前

廬

岑參虢州送鄭興宗弟歸扶風別廬一首

佐郡已三載豈能長後昔出閔少親友頓汝常相隨
今日忽言別愴然俱淚垂半生滄洲意獨有青山知

州縣不敢說雲霄誰敢期因懷東溪老敢憶南峰緇
我為多種藥還山應未遲

岑參送梁判官歸女几舊廬一首

女几知君憶春雲相逐歸草堂開藥裹苔壁取荷衣
老竹移時小新花舊處飛可憐直傲史塵事到山稀

孟浩然題楚人園廬一首

與客園廬並微尚頗亦同耕釣方目逸壺觴趣不空
門无俗士罵人有上皇風何處先賢傳唯稱龐德公

唐詩類苑卷之八十五居處部 十五

唐詩類苑第八十四卷終

唐詩類苑第八十五卷

仁和卓明卿澂父編輯

華亭張之象玄超

長洲毛文蔚豹孫同校

居處部

別業

李頎裴尹東溪別業一首

公才廊廟器官亞河南守別墅臨都門驚湍激前後
舊交與群從十日一携手幅巾望寒山長嘯對高柳
清歡信可尚散吏亦何有岸雪清城陰水光遠林首

唐詩類苑卷之八十五居處部 一

閑觀野人筏或飲川上酒幽雲淡徘徊白鷺飛左右
庭竹垂卧內村烟隔南阜始知物外情眷紱同芻狗

岑參尋鞏朝南李處士別業一首

先生近南郭茅屋臨東川桑葉隱村戶蘆花映釣船
有時著書暇盡日倚窓眠且喜間井近灌田同一泉

岑參春半與群公同遊元處士別業一首

郭南處士宅門外羅群峯勝槩忽相引春華今正濃
山厨竹裏爇野碓藤間春對酒雲數片卷簾花萬重
巖泉嗟到晚州縣欲歸慵草色帶朝雨灘聲蕪夜鍾
愛茲清俗慮何事老塵容况有林下約轉懷方外蹤

薛據出青門往南山別業一首

舊居在南山夙駕自伊闕榛莽相蔽虧去爾漸超忽
散漫餘雪晴蒼茫季冬月寒風吹長林白日原上沒
懷抱曠莫伸相知阻胡越昔年好棲隱鍊藥在巖窟
及此離垢紛興來亦因物末路期赤松斯言庶不伐

李白過汪氏別業二首

遊山誰可遊子明與浮丘豐嶺得河漢連峯橫斗牛
汪生面北阜池館清且幽我來感意氣掇魚列珍羞
掃石待歸月開池漲寒流酒酣益爽氣為樂不知秋

又

疇昔未識君知君好賢才隨山起館宇鑿石營池臺
大火五月中景風從南來數枝石榴綻一丈荷花開
恨不當此時相過醉金壘我行植木落月苦清猿哀
永夜達五更吳飲送瓊盃酒酣欲起舞四座歌相催
日出遼海明軒瓦且徘徊更遊龍潭去枕石拂莓苔
蔡希寂同家兄題渭南王公別業一首

好閑知在冢家退跡何必深不出人境外瀟條江海心
軒居自未往空夕對清陰川溪將釣玉鄉亭期夜金
素暉射流漱翠色錦森林曾為詩書癖寧唯耕稼任
吾兄許微尚枉道來相尋朝慶老萊服夕閑安道琴

文章遙頌美寤寐增所欽既鬱蒼生望明時豈陸沉
賀知章題袁氏別業一首

至人不相識偶坐為林泉莫漫愁沽酒囊中自有錢
王維輞川詠二十首

孟城坳

新家孟城口古木餘衰柳來者復為誰空悲昔人有
裴迪和

結廬古城下時登古城上古城非疇昔今人自采往
華子岡

飛鳥去不窮連山復秋色上下華子岡惆悵情何極

唐詩類苑卷之六十一 五言 虞部 三 山 杉 可 居

裴迪和

落日松風起還家草露稀雲光侵履跡山翠拂人衣

文杏館

文杏栽為梁香茅結為宇不知棟裏雲去作人間雨

裴迪和

迢迢文杏館躋攀日已屢南嶺與北湖前看復迴顧

斤竹嶺

檀欒映空曲青翠漾漣漪暗入商山路樵人不可知

裴迪和

明流紆且直綠篠密復深一徑通山路行歌望舊岑

鹿柴

空山不見人但聞人語響返景入深林復照青苔上

裴迪和

日夕見寒山便為獨往客不知深林事但有麝麕跡

木蘭柴

秋山欽餘照飛鳥逐前侶彩翠時分明夕嵐無處所

裴迪和

蒼七落日時鳥聲亂溪水綠溪路轉深幽興何時已

茱萸泚

絳實紅且綠復如花更開山中儻留客置此芙蓉盃

唐詩類苑卷之六十一 五言 虞部 三 山 杉 可 居

唐詩卷之八十五
裴迪和

飄香亂椒桂布葉開檀欒雲月雖迴照森沉猶自寒

宮槐陌

不徑蔭宮槐幽陰多綠苔
簷門但迎掃畏有山僧來

裴迪和

門前宮槐陌是向歌湖道
秋來山雨多落葉無人掃

臨湖亭

輕軻迎上客悠悠湖上來
當軒對樽酒四面芙蓉開

裴迪和

當軒彌滉漾孤月正徘徊
谷口猿聲發風傳入戶來

南垞

輕舟南垞去北垞
蓀蕪即隔浦望人家
遙遙不相識

裴迪和

孤舟信一泊南垞湖水岸
落日下崦嵫青波殊淼漫

歌湖

吹簫凌極浦日暮送夫君
湖上一迴首青山卷白雲

裴迪和

空濶湖水廣青熒天色同
艤舫一長嘯四面來清風

柳浪

分行接綺樹倒影入清漪
不學御溝上春風傷別離

唐詩卷之八十五
五
裴迪和

唐詩類苑卷之六十一 五言 裴迪和 王 山 杉 齋 周 本

裴迪和

映池同一色 逐吹散如絲 結陰既得地 何謝陶家時

藥家瀨

颯颯秋雨中 淺淺石溜瀉 跳波自相濺 白鷺驚後下

裴迪和

瀨聲喧極浦 公涉向南津 汎汎鳧鷖渡 時人欲近人

金屑泉

日飲金屑泉 少當千餘歲 翠鳳翊文螭 羽節朝玉帝

裴迪和

縈渟澹不流 金碧如可拾 迎晨含素華 獨往事朝汲

石白灘

清淺白日灘 綠蒲向堪把 家住水東西 浣沙明月下

裴迪和

跂石復臨水 弄波情未極 日下川上寒 浮雲淡無色

北垞

北垞湖水北 雜樹映朱欄 逶迤南川水 明滅青林端

裴迪和

南山北垞下 結宇臨歌湖 每歆採樵去 扁舟出菰蒲

竹里館

獨坐幽篁裏 彈琴復長嘯 深林人不知 明月來相照

唐詩類苑卷之六十一 五言 裴迪和 王 山 杉 齋 周 本

裴迪和

來過竹里館日與道相親出入惟山鳥幽深無世人
辛夷塢

裴迪和

木末芙蓉花山中發紅萼澗戶寂無人紛七開且落
綠堤春草合王孫自留玩况有辛夷花色與芙蓉亂

漆園

古人非傲吏自闕經世務偶寄一微官婆婆娑數枝樹

裴迪和

好閑早成性果此諧宿諾今日漆園遊還同莊叟樂

椒園

桂樽迎帝子杜若贈佳人椒漿奠瑤席欲下雲中君

裴迪和

丹刺胃人衣芳香留過客幸堪調鼎用願君垂採摘

王維歸輞川作一首

谷口踈鍾動漁樵稍稍稀悠然遠山暮獨向白雲歸
菱蔓弱難定楊花輕易飛東臯春色早惆悵掩柴扉

王維戲題輞川別業一首

柳條拂地不須折松樹披雲從更長藤花欲暗藏綠
子栢葉初齊養麝香

王維別輞川別業一首

依遲動車馬惆悵出松蘆忍別青山去其如綠水何

王維別輞川別業一首

山月曉仍在林風涼不絕殷勤如有情惆悵令人別

王維輞川別業一首

不到東山回一年歸未纔及種春田雨中草色綠堪

染水上桃花紅欲然優婁比丘經論學偃僂丈人鄉

里賢披衣倒屣且相見相歡語笑衡門前

蔣冽南溪別業一首

結宇依青嶂開軒對綠疇樹交花兩色溪合水回流

竹徑春來掃蘭樽夜不收逍遙自得意鼓腹醉中遊

岑參送陳子歸陸渾別業一首

雖不舊相識知君丞相家故園伊川上夜夢方山花

種藥畏春過出關愁路賒青門酒鑪別日暮東城鴉

王維醉虞部蘇員外過藍田別業見番之作

一首

貧居依谷口喬木帶荒村石路枉迴駕山家誰候門

漁舟膠凍浦獵火燒寒原唯有白雲外踈鍾聞夜猿

王維終南別業一首

中歲頗好道晚家南山陲興來每獨往勝事空自知

唐詩類苑卷之八十一 五言 孟浩然 行到水窮處坐看雲起時偶然值林叟談笑無還期

孟浩然浮舟過陳逸人別業一首

水亭涼氣多閑棹晚來過澗影見藤竹潭香聞芰荷
野童扶醉舞山鳥咲愁歌幽賞未云遍烟光柰夕何

祖詠蘇氏別業一首

別業居幽處到未生隱心南山當戶牖澧水映園林
竹覆經冬雪庭昏未夕陰寥寥人境外閒坐聽春禽

祖詠汝濱別業一首

失路農爲業移家到汝濱獨愁常廢卷多病有離羣
鳥雀垂窓柳虹霓出澗雲山中無外事樵唱有時聞

孟浩然過吳張二子檀溪別業一首

卜築依自然檀溪不更穿園林二友接水竹數家連
直取南山對非閑選地偏卜隣依孟母共井讓王宣
曾是歌三樂仍聞詠五篇草堂時偃曝蘭棹日周旋
外事情多遠中流性所便閑垂太公釣興發子猷船
予亦幽棲者經過竊慕焉梅花殘臘日柳色半春天
鳥泊隨陽鴈魚藏縮項鱸停杯問山簡何似習池邊

儲光羲題崔山人別業一首

南陽隱居者築室丹溪源溪冷懼秋晏窓寒欣景暈
山鷄鳴茵閣水霧入衡門東嶺或舒嘯北窓時討論

唐詩卷之二十一 五言房部
封君渭川竹逸士漢陽園何必崆峒上獨爲堯所尊
題壁

劉希夷秋日題汝陽潭壁一首

獨坐秋陰至悲來從所適行見汝陽潭飛蘿蒙水石
懸瓢木葉上風吹何歷歷幽人不耐煩振衣步閒寂
回流清見底金砂覆銀爍洛水非一丈空隴幾千尺
魚鱗可憐紫鴨毛自然碧秋水弄清光渺焉忘損益
遊山隨形影清濁混心迹歲暮歸去來東山餘宿昔
宋之問吏至嵩山尋杜四不遇慨然復傷田
洗馬韓觀主因以題壁贈杜侯杜四一首

洛橋瞻大室期子在雲烟歸未不相見孤賞弄寒泉
與君濶松台于茲二十年田公謝昭世韓子秘幽堦
憶昔同携手山棲接二賢笙歌入玄地詩酒生寥天
舊友悉零落罷琴私自憐遊者非藥誤食霞意可全
爲余理還策相與事靈仙

蕭穎士早春過士嶺寄題峽石裴丞廳壁一

首

出硤寄趣少晚行偏憶君依然向來處官路溪邊雲
茲路豈不劇能無俗累紛槐陰未未合泉聲細猶聞
弥嘆春罷酒牽卑從此分登高望城入斜影半風薰

李白自巴東舟行經瞿塘峽登巫山最高峯

晚還題壁一首

江行幾千里海月十五圓始經瞿塘峽遂步巫山巔
巫山高不窮巴國盡無歷日邊攀禹蘿霞外倚寄石
飛步凌絕頂極目無纖烟却願失丹壑仰觀臨青天
青天若可捫銀漢去安在望雲知蒼梧記水辯瀛海
周遊孤光晚歷覽幽意多積雪照空谷悲風鳴森柯
歸途行欲曛伴趣向未歇江寒早啼猿松暝已吐月
月色何悠七清猿響啾七辭山不忍聽揮策還孤舟

高適題李別駕壁一首

去鄉不遠逢知己握手相歡得如此禮樂遙傳魯伯
禽賓客爭過魏公子酒筵莫散明月上櫪馬常鳴春
風起一生稱意能幾人今日從君問終始

岑參醉題匡城周少府壁一首

婦姑城南風雨秋婦姑城中人獨愁愁雲遮却望鄉
處數日不上西南樓故人薄暮公事間玉壺美酒琥
珀殷頽陽秋草今黃盡醉卧君家猶未還

王勃普安建陰題壁一首

江漢深無極梁岷不可攀山川雲霧裡遊子幾時還

陳子昂古意題徐令壁一首

唐詩類苑卷之八十五

唐詩類苑 卷之八十一 五言 十一 藥齋題本
白雲蒼梧來氛氳萬里色問君太平世棲泊靈臺側

張謂題長安土人壁一首

世人結交須黃金黃金不多交不深縱令然諾暫相
許終是悠悠行路心

萬楚題江潮莊壁一首

田家世秋熟歲晏林葉稀禾黍積場圃榼梨垂戶扉
野笑犬時吠日暮牛自歸時復落花酒茅齋堪解衣

王維遊李山人所居因題屋壁一首

世上皆如夢往來或自歌問年松樹老有地竹林多
藥倩韓康賣門容尚子過翻嫌枕席上無那白雲何

岑參題新鄉王釜廳壁一首

憐君守一尉家計復清貧祿食常不足俸錢供與人
城頭蘇門樹陌上黎陽塵不是舊相識聲同心自親

薛據題丹陽陶司馬廳壁一首

高鑿清洞徹儒風入進難詔書增寵命才子益能官
門帶山光晚城臨江水寒唯餘好文客時得詠幽蘭

杜甫題玄武禪師屋壁一首

何年顧虎頭滿壁畫瀛洲赤日石林氣青天江海流
錫飛常近鶴杯渡不驚鷗似得廬山路真隨惠遠遊

杜甫題忠州龍興寺所屋壁一首

忠州三峽內井邑聚雲根小市常爭米孤城早閉門
空看過客淚莫覓主人恩淹泊仍愁虎深居賴獨園

杜甫題柏大兄弟山居屋壁二首

叔父朱門貴郎君玉樹高山居精典籍文雅風步騷
江漢終吾老雲林得爾曹哀弦繞白雪未與俗人操

又

野屋流寒水山籬帶白雲靜應連虎穴喧已去人羣
筆架沾窓雨書籤映隙曛蕭蕭千里馬個個五花文

杜甫鄆原郭三十二明府茅屋壁一首

江頭且繫舡為爾獨相憐雲散灌壇雨春青彭澤田

頻驚適小國一擬問高天別後巴東路逢人問幾賢

嚴武題玄武禪師屋壁一首

卧向巴山月落時而鄉千里夢相思可但步兵偏愛
酒也知光祿最能詩江頭赤葉楓愁客離外黃花菊
對誰歧馬望君非一度冷猿秋鴈不勝悲

孟浩然題長安主人壁一首

久廢南山田叨陪東閣賢欲隨平子去猶未獻耳泉
枕席琴書滿寒帷遠岫連我來如昨日庭樹忽鳴蟬
促織驚寒女秋風感長年受衣當九月無褐竟誰憐

李白題隨州紫陽先生壁一首

唐詩類苑卷之八十五
神農好長生風俗久已成復聞紫陽客早署丹臺名
喘息食妙氣步虛吟真聲道與古仙合心將元化并
樓疑出蓬海鶴似飛玉京松雪窻外曉池水階下明
忽耽笙歌樂頗失軒冕情終願惠金液提携凌太清

唐詩類苑第八十五卷終

唐詩類苑第八十六卷

仁和卓明卿澂父編輯

華亭張之象玄超

長洲毛文蔚豹孫同校

居處部

山居

王維石處士山居一首

君子盈天階小人耳自免方隨鍊金容林上家絕巘
背嶺花未開入雲樹深淺清晝猶自眠山鳥特一囀

李白題元丹丘山居一首

唐詩類苑 卷之八 居房部 一
故人棲東山自愛丘壑美青春卧空林白日猶不起
松風清衿袖石潭洗心耳羨君無紛喧高枕碧霞裡

李白題元丹丘穎陽山居一首

仙遊渡潁水訪隱同元君忽遺蒼生望獨與洪崖群
卜地初晦跡興言且成文却頌北山斷前瞻南嶺分
遙通汝海月不隔嵩丘雲之子合逸趣而我欽清芬
峯跡倚松石談笑迷朝曛益願押青鳥拂衣栖江濱

李白題嵩山逸人元丹丘山居一首

家本紫雲山道風未淪落沈懷丹丘志冲賞歸寂寞
劫來遊閩荒捫涉窮禹鑿負緣泛潮海偃蹇涉廬霍

憑雷躡天窓弄景憇霞閣且欣登眺夫頗慙隱論諾
三山曠幽期四岳聊所託故人憇嵩穎高義炳丹艸
滅迹遺紛囂終言本峯壑自矜林湍好不羨市朝榮
偶與真意并頓覺世情薄爾能折芳桂吾亦採蘭若
拙妻好乘鸞嬌女心飛鶴提携訪神仙從此鍊金藥

王維山居即事一首

寂寞掩柴扉蒼茫對落暉鶴巢松樹遍人訪華門稀
綠竹含新粉紅蓮落故衣渡頭烟火起處採菱歸

王維帝給事山居一首

幽尋得此地詎有一人曾大壑隨堦轉羣山入戶登

庖厨出深竹印綬隔垂藤卽事辭軒冕誰云病未能

王維常侍郎山居一首

幸忝君子顧遂陪塵外踪閒花滿嵒谷瀑水映杉松
啼鳥忽臨澗歸雲時抱峯良遊盛簪紱繼跡多夔龍
詎枉青門道胡聞長樂鐘清晨去朝謁車馬何從容

儲光羲幽居一首

幽人下山徑去屣夾青林滑處莓苔濕暗中蘿薜深
春朝烟雨散猶帶浮雲陰

李白題東溪幽居一首

杜陵賢人清且庶東溪卜築歲將淹宅近青山同謝

眺門垂碧柳似陶潛好鳥迎春歌後院飛花送酒舞
前簷客到但知留一醉盤中祇有水精盃

岑參題梁錡城中高居一首

居住最高處千家恒眼前題詩飲酒後只對諸峯眠

孟浩然尋張子顏隱居一首

白鶴青巖畔幽人有隱居階庭空水石林壑罷樵漁
歲月青松老風霜苦竹疎觀茲懷舊業携策返吾廬

杜甫題張子顏隱居一首

之子時相見邀人晚興留濟潭鱸發屣春草鹿呦呦
杜酒偏勞勸張梨不外求前村山路險歸醉每無愁

杜甫題張氏隱居一首

春山無伴獨相求，伐木丁丁山更幽。
澗道餘寒歷冰雪，石門斜日到林丘。
不貪夜識金銀氣，遠害朝看麋鹿遊。
乘興杳然迷出處，對君疑是泛虛舟。

杜甫覃山人隱居一首

南極老人自有星，北山移文誰勒銘。
徵君已去獨松竹，哀壑無光留戶庭。
予見亂離不得已，子知出處必須經。
高車駟馬帶傾覆，悵望秋天虛翠屏。

杜甫卜居一首

歸羨遼東鶴，吟同楚執珪。
未成遊碧海，看處覓丹梯。

雲嶂寬江北，春畊破壤西。
桃紅客若至，定似昔人迷。

杜甫卜居一首

浣花流水水西頭，主人為卜林塘幽。
已知出郭少塵事，更有澄江銷客愁。
無數蜻蜓齊上下，一雙鷄鶩對沉浮。
東行萬里堪乘興，須向山陰上小舟。

杜甫移居夔州郭一首

伏枕雲安縣，遷居白帝城。
春知催柳別，江與放船清。
農事聞人說，山光見鳥情。
禹功饒斷石，且就土微平。

杜甫赤甲一首

卜居赤甲遷居新，兩見巫山楚水春。
炙背可以獻天

唐詩類苑 卷之八十六 唐詩 三 松齋周本

唐詩類苑 卷之八十六 房音
子美芹由來知野人
荊州鄭薛寄書近蜀客
郗岑非我隣
笑接郎中評事飲病從深酌
道吾真

李白題東溪幽居一首

秋色有佳興
况君池上閒
悠悠西林下
自識門前山
千里橫黛色
數峯出雲間
差峨對秦國
合沓藏荆關
殘雨斜日照
夕嵐飛鳥還
故人今向爾
嘆息此顏顏

王維山中示弟一首

山林吾喪我
冠帶爾成人
莫學嵇康懶
且安原憲貧
山陰多北戶
泉水在東鄰
緣合妄相有
性空無所親
安知廣成子
不是老夫身

閻防百丈溪新理茅茨一首

浪迹弃人世
還山自幽獨
始傍巢由蹤
吾其獲心曲
荒庭何所有
老樹半空腹
秋蛩鳴北林
暮鳥穿我屋
棲遲樂遵渚
恬曠寡所欲
開卦推盈虛
散帙攻節目
養閑度人事
達命知止足
不學東國儒
俟時勞伐輻

杜甫野老一首

野老籬前江岸迴
柴門不正逐江開
漁人網集澄潭下
賈客船隨返照來
長路關心悲劍閣
片雲何意傍茱萸
王師未報收東郡
城郭秋生畫角哀

杜甫簡吳郎司法一首

有客乘舸自忠州遣騎安置瀼西頭古堂本買藉踈
豁借汝遷居停宴遊雲石熒七高葉曉風江颯七亂
帆秋却爲姻婭過逢地許坐層軒數散愁

山莊

張說奉和幸常嗣立山莊待宴應制一首

西京上相出扶陽東郊別業好池塘自非仁智符天
賞安能日月共迴光

劉憲奉和聖製幸常嗣立山莊應制一首

非吏非隱晉尚書一丘一壑降乘輿天藻緣情兩曜
合山卮獻壽萬年餘

崔湜奉和聖製幸常嗣立山莊應制一首

竹逕桃源本出塵松軒茅棟別驚新御蹕何須林下
駐山公不是俗中人

李乂奉和聖製幸常嗣立山莊應制一首

曲榭回廊繞澗幽飛泉瀆水溢池流祇應感發明玉
夢遂得邀迎聖主遊

沈佺期奉和聖製幸常嗣立山莊應制一首

東山朝日翠屏開北闕晴空綵仗來喜遇天文七曜
動少微今夜近三台

李嶠奉聖製幸常嗣立山莊應制一首

唐詩類苑卷之八
萬騎千官擁帝車
八龍三馬訪仙家
鳳凰原上窺青壁
鸞鷟盃中弄紫霞

趙彥昭奉和聖製幸常嗣立山莊應制一首
廊廟心存巖壑中
鑾輿矚在霸城東
逍遙自有蒙莊子
漢主徒言河上公

武平一奉和聖製幸常嗣立山莊應制一首
鳴鑾奕奕下重樓
羽蓋逍遙向一丘
漢日唯聞白衣寵
唐年更覩赤松遊

蘇頲奉和聖製幸常嗣立山莊應制一首
樹色參差隱翠微
泉流百尺向空飛
傳聞此處投竿

佐遂使茲辰高蹕歸

張說奉和聖製幸常嗣立山莊侍宴應制一首

寒灰飛玉琯
湯井駐金輿
旣得方明相
還尋大隗厓
懸泉珠貫下
列嶂錦屏舒
騎遠林逾密
笳繁谷自虛
門旗塹復磴
殿幕表通渠
舞鳳隨公主
雕龍起婕妤
地幽天賞洽
酒樂御筵初
菲才叨侍從
連藻媿庶徐

劉憲奉和幸常嗣立山莊侍宴應制一首

東山有謝安
枉道鳴和鸞
緹綺分初日
霓旌度曉寒
雲蹕巖間下
虹橋澗底盤
幽栖俄似屆
聖矚宛餘觀

唐詩類苑 卷之八十六 蘇頌奉和幸常嗣立山庄侍宴應製一首
峯懸飛溜直岸轉綠潭寬桂花堯酒冷松響舜絃彈
明主恩斯極賢臣節更殫不才叨侍從詠德以濡翰

蘇頌奉和幸常嗣立山庄侍宴應製一首

縱金寒墅霽步玉曉山幽帝幄期松子匡廬訪葛侯
百工徵徃夢七聖扈來遊斗柄乘時轉台階捧日留
樹重巖瀨合泉迸水光浮石徑喧朝屐璜溪擁釣舟
恩光犯星夜歡擬濟河秋不學堯年隱空令傲許由

沈佺期奉和幸常嗣立山庄侍宴應製一首

鼎臣休翰隙方外結遐心別業青霞境孤潭碧樹林
每遷東墅策遙弄北溪琴帝幸行時豫台園賞歲陰

移盞明月治張樂白雲岑御酒瑤觥落仙壇竹逕深
三章懸聖藻五等冠朝簪自愧承恩盛咸言獨在余

盧僊奉和幸常嗣立山庄侍宴應製一首

風后軒皇佐雲峯謝客居承恩來翠嶺締賞出丹除
飛蓋瓊溪寂清笳玉洞虛窺岩詳霧豹過水畧泉魚
鄉入無何有時還上古初伊臯羞過狹魏丙服粗跡
白雲緣情降青霞落卷舒多慙郎署在輕繼國風餘

宋之問奉和幸常嗣立山庄侍宴應製一首

樞掖調梅暇林園藝槿初入朝榮劍履退食偶琴書
地隱東巖室天迴北斗車旌門臨窳窳閔道屬扶踈

雲漢明丹壑，霜笳徹紫虛。水疑投石處，溪似釣璜魚。
帝澤頒卮酒，人歡頌里閭。一承黃竹詠，長奉白茅居。

趙彥昭奉和幸常嗣立山莊侍宴應制一首

賢族唯題里，儒門但署鄉。何如表岩洞，宸翰發輝光。
地在茲山曲，家隣郤水陽。六龍駐旌罕，四牡耀旂常。
北斗臨台坐，東山入廟堂。天高羽翼近，主聖股肱良。
野竹池亭氣，村花澗谷香。縱然懷豹隱，空愧躡鴛行。

崔湜奉和幸常嗣立山莊侍宴應制一首

丞相登前府，尚書啟舊林。式閭明主意，榮族聖嬪心。
川狹旌門抵，巖高蔽帳臨。窓憑柳暗小，徑入松深

雲卷千峯色，泉和萬壑吟。蘭迎天女珮，竹礙侍臣簪。
宸翰三光燭，朝榮四海欽。還嗟絕機叟，白首漢川陰。

李乂奉和幸常嗣立山莊侍宴應制一首

台階好赤松，別業對青峰。茅室承三顧，花源接九重。
龍旂榮秀木，鳳輦拂疎筇。逕狹千官擁，溪長萬騎容。
水堂開禹膳，山閣獻堯鍾。皇覽清居遠，天文睿獎濃。
宮泉他日夢，魚釣往年逢。共榮丞相府，偏降逸人封。

武平一奉和幸常嗣立山莊侍宴應制一首

三光迴斗極，萬騎肅鈞陳。地若遊汾水，畋疑歷渭濱。
圓塘冰寫鏡，遙樹露成春。絃奏魚聽曲，機忘鳥狎人。

唐詩類苑 卷之八 七 虞詩 九 拔齋閣本
築岫思感夢 磻石想垂綸 落景搃紅壁 層陰結翠筠
素風分可尚 玄澤藹無垠 薄暮清笳動 天文炳紫宸

李嶠奉和幸常嗣立山莊侍宴應制一首

南洛師臣契 東周王佐居 幽情遺綬綬 冕宸春矚樵
漁制下峒山蹕 恩回灞水輿 松門駐旌蹕 薜帷引簪裾
石磴平黃陸 烟縵半紫虛 雲霞僊路近 琴酒俗塵踈
喬木千齡外 懸泉百丈餘 崖深經鍊藥 冗古舊藏書
樹宿搏風鳥 池潛縱擊魚 寧知天子貴 尚憶武侯廬

盧照鄰春晚山莊率題二首

頌步三春晚 田園四望通 遊絲橫惹樹 戲蝶亂依藂

竹懶偏宜水 花狂不待風 唯餘詩酒意 當了一生中

又

田家无四鄰 獨坐一園春 萱啼非選樹 魚戲不驚綸
山水彈琴書 風花酌酒頻 年華已可樂 高興復留人

宋之問初到陸渾山莊一首

授衣感窮節 策馬凌伊閩 歸齊逸人趣 日覺秋葉閑
寒露衰北阜 夕陽破東山 浩歌步岑樾 棲鳥隨我還

宋之問陸渾山莊一首

歸來物外情 負杖閱巖畊 源水看花入 幽林採藥行
野人相問姓 山鳥自呼名 去去獨吾樂 無能愧此生

宋之問山莊一首

宦遊非吏隱心事好幽偏
考宰先依地為農且用天
輞川朝伐木藍水暮澆田
歎子泰山老相歡春酒前

王昌齡宿裴氏山莊一首

蒼蒼竹林暮吾亦知所投
靜坐山竺月清溪聞遠流
西風下微雨向晚白雲收
遂解塵中組終南春可遊

楊炯和在侍御山莊一首

烟霞非俗宇巖壑只幽居
水浸何曾畝荒郊不復鋤
影濃山樹密香淺澤雲疎
闔塹防斜徑平堤夾小渠
蓮房若箇實竹節幾竿虛
蕭然隔城市酌醴焚枯魚

駸賓玉宿山莊一首

金陵一超忽玉燭幾還周
霞積吳臺草風入郢門楸
林虛宿斷霧磴險挂懸流
拾青非漢策緇化類秦裘
卒迹猶多蹇勞生未寡尤
獨此他鄉夢空山明月秋

祖詠歸汝墳山莊留別盧象一首

淹留歲將晏久瘵南山期
舊業不見弃還山從此辭
漚麻入南澗刈楚向東菑
對酒鷄黍熟開門風雪特
非君一延首誰慰遙相思

張光朝秋塘西莊贈房元垂一首

門在荻塘西塘高何聯聯
往昔分地利遠近無閑田

唐詩卷之八
水國信汗下霖霖卽成川
苗稼盡湮沒茲鄉獨豐年
家肥侍親懿八樂忘管絃
日晏始能起盥漱看厨烟
醞酒寒正熟養魚長食鮮
黃昏鍾未鳴偃息早已眠

孟浩然過故人庄一首

故人具鷄黍邀我至田家
綠樹村邊合青山郭外斜
開筵面場圃把酒話桑麻
待到重陽日還來就菊花

孟浩然題李十四庄一首

聞君息陰地東郭楊柳間
左右瀍澗水門庭綏氏山
抱琴來取醉垂釣坐乘閒
歸客莫相待緣源殊未還

杜甫憑孟倉曹將書覓七婁舊莊一首

平丘喪亂後不到洛陽岑
爲歷雲山問無辭荆棘深
北風黃葉下南浦白頭吟
十載江湖客茫茫遲暮心

唐詩類苑卷之八十一 居處部 十一
唐詩類苑第八十陸卷終

唐詩類苑第八十五卷

仁和卓明卿澂父編輯

華亭張之象玄超

長洲毛文蔚豹孫同校

居處部

山家

宋之間春日山家一首

今日遊何處春泉洗藥歸
悠然紫芝曲畫掩白雲扉
魚樂偏尋藻人間屢采薇
丘中無俗事身世兩相違

田家

唐詩類苑卷之八十一 居處部 十一
山家類苑本

李頎題綦毋校書田家一首

常稱掛冠吏昨日歸滄洲行客暮帆遠主人庭樹秋
豈伊問天命但欲爲山遊萬物我何有白雲空自幽
蕭條江海上日夕見丹丘生事本漁釣賞心隨去留
惜哉曠徵月欲濟無輕舟倏忽令人老相思河水流

王維丁寓田家有贈一首

君心尚棲隱久欲傍歸路在朝每爲言解印果成趣
晨鷄鳴隣里群動從所務農夫行餉田閨婦起縫素
開軒卸衣服散帙理章句時吟招隱詩或製閒居賦
新晴望郊郭日映桑榆暮陰盡小苑城微明渭川樹

揆予宅間井幽賞何由屢道存終不忘迹異難相遇
此時惜離別冉來芳菲度

王維渭川田家一首

斜光照墟落窮巷牛羊歸野老念牧童倚杖候荆扉
雉雊麥苗秀蚕眠桑葉稀田夫荷鋤至相見語依依
卽此羨閑逸悵然吟式微

高適同群公題鄭少府田家一首

鄭侯應恓惶五十頭盡白昔爲南昌尉今作東郡客
與語多遠情論心知所益秋林旣清曠窮巷空浙浙
蝶蜂園更閑鷄鳴日云夕男兒未稱意其道固無適

唐詩類苑 卷之八 勸君且杜門勿嘆人事隔

盧照鄰山林休日田家一首

歸休乘暇日，饁稼返秋場。徑草疏王篲，岩枝落帝桑。
耕田虞訟寢，鑿井漢機忘。戎葵朝委露，齊棗夜含霜。
南澗泉初冽，東籬菊正芳。還思北窓下，高卧偃羲皇。
儲光羲行次田家澳梁作一首

田家俯長道，邀我避炎氛。當暑日方晝，高天無片雲。
桑間禾黍氣，柳下牛羊羣。野雀棲空屋，晨風不復聞。
前登澳梁坂，極望溫泉分。逆旅方三舍，西山猶未曛。

高適寄宿田家一首

田家老翁住東陂，說道平生隱在茲。鬢白未曾記日
月，山青每到識春時。門前種柳深成巷，野谷流泉添
入池。半壯日耕十畝地，人間常掃一萸茨。客來滿酌
清醇酒，感興平吟才子詩。巖際窟中藏鼯鼠，潭邊竹
裡隱鷓鴣。鷺村墟日落行人少，醉後無心怯路岐。今夜
只應還寄宿，明朝拂曙與君辭。

駱賓王晚熱田家一首

轉蓬勞遠役，披薜下田家。山形類九折，水勢急三巴。
懸梁接斷岸，遊路擁崩崖。霧岩淪曉魄，風漱漲寒沙。
心迹一朝舛，閑山萬里賒。龍章徒表越，閩俗本非華。

唐詩類苑卷之六十一 唐詩類苑
旅行悲泛梗離贈斷疎麻唯有寒潭菊獨似故園花

祖詠田家即事一首

舊居東臯上左右俯荒村樵路前傍嶺田家遙對門
權娛始披物愜意在郊原餘霽蕩川霧新秋仍晝昏
攀條憇林麓引水開泉源稼穡豈云倦桑麻今正煩
方求靜者說偶與潛天言雞黍何必具吾心之道邊

儲光羲田家即事一首

蒲葉日已長荇花日已滋老農要看此貴不違天時
迎晨起飯牛雙駕耕東菑蚯蚓土中出田烏隨我飛
群合亂啄噪嗷嗷如道飢我心多惻隱顧此兩傷悲

撥食與田烏日暮空筐歸親戚更相誚我心終不移

儲光羲田家雜興八首

春至鷓鴣鳴薄言向田墅不能自力作甬勉娶隣女
既念子孫牛方思廣田圃閑時相頌咲喜悅好禾黍
夜夜登甬臺南望洞庭渚百草被霜露秋山響砧杵
却羨故年時中情無所取

又

衆人耻貧賤相與尚膏腴我情既浩蕩所樂在畋漁
山澤時晦冥歸家斲閑居滿園種葵藿繞屋樹桑榆
禽雀知我閑翔集依我廬所願在游優州縣莫相呼

唐詩類苑卷之六十一 唐詩類苑

日與南山老兀然傾一壺

又

逍遙阡陌上遠近無相識
落日照秋山千崑同一色
網罟繞深莽鷹鷂輕翼上
獵馬既如風奔獸莫敢息
駐旗滄海上犒士吳宮側
楚國有夫人性情本貞直
鮮禽徒自致終歲竟不食

又

田家趨隴畝當書掩虛關
隣里無烟火兒童共幽閒
桔槔懸空圃雞犬滿桑間
時來農事隙採藥遊名山
但言所採多不念路險艱
人生如蟬蛻一往不可攀

君看西王母千載美容顏

又

貧士養性情不復知憂樂
去家行賣畚耒滯南陽郭
秋至黍苗黃無人可刈獲
孺子朝未飯把竿逐鳥雀
忽見梁將軍乘車出宛洛
意氣軼道路光輝滿墟洛
安知負薪者啞啞笑轉薄

又

楚山有高士梁國有遺老
築室既相鄰同田復同道
糗糒常共飯兒孫每更抱
忘此畊耨勞愧彼風雨好
蟪蛄鳴空澤題鴉傷秋草
日夕寒風來衣裳苦不早

又

梧桐蔭我門 薜荔網我屋 超超兩夫婦 朝出暮還宿
稼穡既自種 牛羊還自牧 日旰懶耕鋤 登高望川陸
空山足禽獸 墟落多喬木 白馬誰家兒 聯翩相馳逐

又

種桑百餘樹 種黍三十畝 衣食既有餘 時止會賓友
夏來菘米飯 秋至菊花酒 孺人喜逢迎 稚子解趨走
日暮閑園裡 團團蔭榆柳 酌酎來夜歸 涼風吹戶牖
清淺望河漢 低昂看北斗 數甕猶未開 明朝能飲否

高適田家春望一首

出門何所見 春色滿平蕪 可嘆無知己 高陽一酒徒

楊顏田家一首

小園足生事 尋勝日傾壺 蒔蔬利於鬻 纔青閭已無
四隣因野竹 日夕採其枯 田家心適時 春色遍桑榆

王勃田家三首

阮籍生平懶 嵇康意氣疎 相逢一飽醉 獨坐數行書
平池聊養鶴 閑田且牧猪 草生元亮徑 花暗子雲居
倚床看婦織 登隴課兒鋤 迴頭尋仙子 併是一空虛

又

家住箕山下 門枕潁川濱 不知今有漢 唯言昔避秦

唐詩類苑

卷之八十七

居處部

王勃詩集

唐詩類苑 卷之八十七 在房部 不
琴伴庭前月酒勸後園春自得中林士何忝上皇人

又

平生唯以樂作性不能無朝也訪鄉里夜也遣人酤
家貧留客久不暇道精粗抽簾特益燭拔篲更燃爐
怕聞飲不足何見有殘壺

王維田家一首

舊穀行將盡良田未可希老年方愛粥卒歲且無衣
雀乳青苔井雞鳴白板扉紫車駕羸犢草齋牧豪稀
多雨紅榴折新秋綠芋肥餉田桑下憇旁舍草中歸
住處名愚谷何煩問是非

丘為題農父廬舍一首

東風何處至已綠湖上山湖上春已早田家日不開
溝壑流水處耒耜平蕪間薄暮飯牛後歸來還閉關

杜甫田家一首

田舍清江曲柴門古道傍草深迷市井地僻嬾衣裳
檉柳枝枝弱枇杷樹上香鷓鴣西日照躍趨滿漁梁

杜甫赤谷西崦人家一首

躋險不自安出郊已清日溪迴日氣暖逕轉山田熟
鳥雀依茅茨藩籬帶松菊如行武陵暮欲問桃源宿

杜甫暫往白帝復還東屯一首

唐詩類苑卷之六十一 居庸
復作歸出去猶殘獲稻功築塲憐穴蟻拾穗許村童
落杵光輝白除芒子粟紅加食可扶老倉廩慰飄蓬

酒家

李白金陵酒肆留別一首

風吹柳花滿店香吳姬壓酒喚客嘗金陵子弟來相
送欲行不行各盡觴請君試問東流水別意與之誰
短長

王績題酒家壁一首

昨夜餅始盡今朝酒即開夢中占夢罷還向酒家來

王績過酒家五首

洛陽無大宰長安乏主人黃金銷未盡祇爲酒家貧

又

此日長昏飲非閑養性靈眼看人盡醉何忍獨爲醒

又

竹葉連槽翠蒲桃帶麩紅相逢不令盡前後爲誰空

又

對酒但知飲逢人莫強牽倚壚便得睡橫甕足堪眠

又

有客須教飲無錢可別酤來時長道慣慚愧酒家壺

城

李嶠詠城一首

四塞稱天府三河建洛都飛雲藹層闕白日麗南隅
獨下僊人鳳群驚御史烏何辭一萬里邊徼捍匈奴

高適辟陽城一首

荒城在高岸凌眺俯清淇傳道漢天子而封審食其
奸淫且不戮茅土孰云宜何得英雄主迨令兒女欺
毋儀良已失臣節豈如斯太息一朝事乃令人所嗤

高適和崔二府登楚丘城作一首

故人亦不遇異縣久棲託辛勤失路意感嘆登樓作
清晨眺原野獨立窮寥廓雲散芒矐山水還睢陽郭

遶梁即襟帶封衛多漂泊事古悲城池年豐愛墟落
相逢俱未展携手空漸索何意千里心仍求百金諾
公侯皆我輩動用在謀畧聖心忠賢才竭耒刈葵藿

岑參登古鄴城一首

下馬祭鄴城七空復何見東風吹野火暮入飛雲殿
城隅南對望陵臺漳水東流不復回武帝宮中人盡
去年七春色為誰來

杜審言登襄陽城一首

旅客三秋至層城四望開楚山橫地出漢水接天出
冠蓋非新里章華即舊臺習池風景異歸路滿塵埃

丘爲登潤州城一首

天末江城晚，怒臨空望迷。
春潮平島嶼，殘雨隔虹霓。
鳥與孤帆遠，烟和獨樹低。
卿山何處是，目斷廣陵西。

杜甫上白帝城一首

城峻隨天壁，樓高更女墻。
江流思夏后，風至憶襄王。
老去聞悲角，人扶報夕陽。
公孫初恃險，躍馬意何長。

杜甫白帝城一首

白帝城中雲出門，白帝城下雨翻盆。
高江急峽雷霆聞，古木蒼藤日月昏。
戎馬不如歸馬逸，千家今有百家存。
哀哀寡婦誅求盡，慟哭秋原何處村。

杜甫上白帝城二首

江城含變態，一上一回新。
天欲今朝雨，山歸萬古春。
英雄餘事業，衰邁久風塵。
取醉他鄉客，相逢故國人。
兵戈猶擁蜀，賦歛尚輸秦。
不是煩形勝，深慙畏損神。

又

白帝空祠廟，孤雲自往來。
江山城宛轉，棟宇客徘徊。
勇畧今何在，當年亦壯哉。
後人將酒肉，虛敗日塵埃。
谷鳥鳴還過，林花落又開。
多慙病無力，騎馬入青苔。

李百藥秋晚登古城一首

日落征途遠，悵然臨古城。
頽墉寒雀集，荒堞晚烏驚。

唐詩類苑卷之八十七 居處部 十一 山松齋周本
蕭森灌木上迢遞孤烟生霞景煥餘照露氣澄晚清
秋風轉搖落此志安可平

孫逖登越州城一首

越嶂繞層城登臨萬象清
封圻滄海合鄆市碧湖明
曉日漁歌滿芳春棹唱行
山風吹美箭田雨潤香稞
代閱英靈盡人閑吏隱并
贈言王逸少已見曲池平

陳子昂題居延古城贈喬十二一首

聞君東山意宿昔紫芝榮
滄洲今何在華髮旅邊城
還漢功既薄逐胡策未行
徒嗟白日暮坐對黃雲生
桂枝芳欲晚蕙苒謔誰明
無為空自老含嘆負平生

權澈題沈黎城一首

蘇子卧北海馬翁渡南洲
迹艱事乃立功達名遂休
夜聞羽書至召募此邊州
鉄騎耀楚甲玉匣橫靈鈎
雪厚羣山凍蓬飛荒塞秋
久戍曷辭苦數載期封侯
不學豎儒輩一經垂白頭

劉復出東城一首

步出東城門獨行已徬徨
伊洛泛清流密林含朝陽
芳景雖可矚懷憂在中腸
人生能幾何苒苒隨流光
願得心所親樽酒坐高堂
一為浮沉隔會合殊未央
雙戲水中鳧和鳴自翱翔
我無此羽翼安可以比方

劉復經楚城一首

日沒途且長遊子欲涕零
荒城無人迹秋草飛寒螢
東南古丘墟莽蒼馳郊垆
黃雲晦斷岸枯井臨崩亭
昔人竟何之窮泉獨冥七
蒼苔沒碑板朽骨無精靈
俛仰奇世間忽如流波萍
金石非汝壽浮生等臊腥
不如學神仙服食求丹經

張說岳州山城一首

山城豐日暇閉戶見天心
東曠迎朝色西樓引夕陰
書觀千載近學靜二毛深
忽有南風至吹君堂上琴
張埴奉和岳州山城一首

郡館臨清賞閑局坐白雲
訟虛堂戶曙觀靜竹簷
懸榻迎賓下趨庭學禮聞
風傳琴上意遙向日華紛
張說岳州西城一首

水國何遼曠風波遂極天
西江三汜合南浦二湖連
危堞臨清境煩憂蹙豁然
九圍觀掌內萬象闕眸前
日去長沙渚山橫雲夢田
汀葭變秋色津樹入寒烟
潛究採靈詭浮生揖聖僊
至人今不見跡滅事空傳

杜甫泊岳陽城下一首

江國踰千里山城僅百層
岸風翻夕浪舟雪灑寒燈
番滯才難盡艱危氣益增
圖南未可料變化有鷗鷺

仕市城上一首

草滿巴西綠空城白日長
風吹花片上春動水茫
八駿隨天子群臣從武皇
遙聞出巡狩早晚遍遐荒

杜甫出郭一首

霜露晚淒淒高天逐望低
遠烟塩井上斜景雪峰西
故國猶兵馬他鄉亦鼓鼙
江城今夜客還與舊鳥啼

市

李嶠市一首

闐闐門三市旗門起百尋
漸離初擊筑司馬正彈琴
細柳龍鱗映長槐
兔月陰徒知觀衛玉
詎肯卦秦川

門

李嶠詠門一首

奕奕彤闈下煌煌紫禁隈
阿房萬戶列闔闔九重開
踈廣遺榮去千公待駟未
詎知金馬側方朔有奇才

岑參青門歌送東臺張判官一首

青門金鎖平旦開城頭日出使車回
青門柳枝正堪折路傍一日幾人別
東出青門路不窮駟樓官樹灞陵東
花撲征衣看似繡雲隨去馬色疑驟
胡姬酒爐日未午絲繩玉釭酒如乳
灞頭落花沒馬蹄昨夜微雨花成泥
黃鸝翅濕飛屢低關東尺書醉懶題
須臾

唐詩類苑卷之八十七 唐詩 十一 杜鵑
望君不可見楊鞭飛鞚疾於箭借問使乎何時來莫
作東飛百勞西飛燕

館

李嶠早發苦竹館一首

合沓巖嶂深朦朧烟霧曉荒阡下樵客野猿驚山鳥
開門聽潺湲入徑尋窈窕棲巖抱寒木流螢飛暗篠
早霞稍霏七殘月猶皎七行看遠星稀漸覺游氛少
我行撫昭傳蕪得傍林沼貪玩水石奇不知川路渺
徒憐野心曠詎惻浮年小方解寵辱情來託累塵表

王昌齡鄭縣陶太公館中贈馮六元二一首

儒有輕王侯脫畧當世舉本家藍溪下非為漁弋故
無何困躬耕日歆馳水路幽屈與君近出谷同所務
昨日辭石門五年變秋露雲龍未相感于謁亦已屢
子為黃綬羈余忝蓬山顧京門望西岳百里見郊阡
飛雨祠上來靄然對中暮驅車鄭城宿秉燭論往素
山月出華陰開此河渚霧清光比故人豁達展心晤
馮公尚戢翼元子仍跼步拂衣易為高論迹難有趣
張范善終始吾等豈不慕罷酒當涼風屈伸備冥數

崔國輔題豫章館一首

揚柳映春江七南轉佳麗吳門綠波裏越國青山際

唐詩卷之六十一
遊宦常往來津亭暫臨憇驛前蒼石沒浦外湖沙細
向晚宴且歡派舟罔然逝雲流西北客氣歇東南帝
獨有萋心誰知怨芳歲

岑參銀山積西館一首

銀山峽口風似箭鉄門關西月如練雙七流淚沾馬
毛颯颯胡沙迸人面丈夫二十未當貴安能終日守
筆硯

儲光羲終南幽館獻蘇侍郎二首

中歲尚微遁始知將谷神抗策還南山水木自相親
深林開一道青嶂成四隣平明去採薇日入行刈薪

雲歸萬壑暗雪罷千岩春始看玄鳥來已見瑤華新
寄言寒芳者無迺後時人

卜築青宮裏雲蘿四垂陰虛室若無人喬木自成林
時有清風至側聞樵採音鳳皇鳴南岡望望隔層岑
既言山路遠復道溪流深倥佯空中遊虬龍水中吟
何當見輕翬爲我達遠心

李白題宛溪館一首

吾憐宛溪好百尺照心明可謝新安水千尋見底清
白沙留月色綠竹助秋聲却咲嚴湍上千今獨擅名
崔善爲荅王無功冬夜載酒館一首

唐詩類苑 卷之八十七 在處音 一五
須條忝貴郡懸榻久相望處士同揚鄭邦君謝李疆
詎知方擁篲逢子敬惟桑明朝蓬戶側會自謁任棠

沈佺期岳館一首

洞壑僊人館孤峯王女臺空濛朝雨合窈窕夕陽開
荒澗含輕雨虛岵應薄雷正逢鵞與鶴歌舞出天來

岑參宿鉄関西館一首

馬汗踏成泥朝馳幾萬啼雪中行地角火處宿天倪
塞迴心常怯鄉遥夢亦迷那知故園月也到鉄関西

孟浩然次蔡陽館一首

日暮馬行疾城荒人住稀聽歌疑近楚投館忽如歸

魯堰田疇廣章陵氣色微明朝拜嘉慶須着老萊衣

杜甫山館一首

南國晝多霧北風天正寒路危行木杪身遠宿雲端
山鬼吹燈滅厨人語夜闌雞鳴問前館世亂敢求安

刘希夷晚憇南陽旅館一首

旅館何年廢征夫此日過途窮人自哭春至鳥還歌
行路新知少荒田古逕多池篁覆卅谷墳樹遶清波
日照蓬陰轉風微野氣和傷心不可去回首怨如何
張九齡賀給事嘗詣蔡起居郊館有詩因命

同作一首

唐詩類苑卷之八十七
記言聞直史築室而層阿豈不承明入終云幽意多
沉冥高士致休瀚故人過前嶺游氛滅中林芳氣和
茲辰阻佳趣望美獨如何

客舍

王昌齡何九於客舍集一首

客有住桂陽亦如巢林鳥壘觴且終宴功業曾未了
山月空懸時江明高樓曉門前泊舟楫行次入松篠
此意投贈君滄波風裏七

岑參邯鄲客舍歌一首

客從長安來驅馬邯鄲道傷心叢臺下一旦生蔓草

客舍門臨漳水邊垂楊下繫釣魚船邯鄲女兒夜酌
酒對客挑燈誇數錢酌酌醉時日正午一曲狂歌墟
上眠

岑參宿華陰東郭客舍憶閩防一首

次舍山郭近解鞍鳴鐘時主人炊新粒行子充夜饑
關月生首陽照見華陰時蒼茫秋山晦蕭瑟寒松悲
久從園廬別遂與朋知辭舊壑蘭杜晚歸軒今已遲
岑參西蜀旅舍春歎寄朝中故人呈狄評事

一首

春與人相乖柳青頭轉白生平未得意覽鏡心自惜

唐詩卷之八十一 七五 嘉慶
四海猶未安一身無所適自從兵戈動遂覺天地窄
功業悲後時光陰嘆虛擲却為文章累幸有開濟策
何負當途人心無矜窘厄回瞻後未者皆欲肆轡轡
起草思南宮寄言憶西掖時危任舒卷身退知損益
窮林草轉深閑門日將夕橋西暮雨黑籬外春江碧
昨者初識君相看俱是客聲華同道術世業通往昔
早須歸天階不得安孔席吾先稅歸鞅舊國如咫尺

岑參冀州客舍酒酣贈王綺寄題南樓一首

夫子傲常調詔書下徵求知君欲謁帝抹馬趨西河
逸足何歸七美聲實風流富學瞻清詞下筆不能休

君家一何盛赫奕誰為儔伯父四五人同時為諸侯
憶昨始相值值君客具丘相看復乘興馮手到冀州
前日在南縣與君上北樓野曠不見山白日落草頭
客舍梨花繁深花隱鳴鳩南鄰新酒熟有女彈箜篌
醉後或在歌酒醒滿離憂主人不相識此地難淹留
吾廬終南下堪與王孫遊何當肯相尋灑上一孤舟
岑參臨河客舍呈狄明府兄畱題縣南樓一
首

鳳陽城南雪正飛黎陽渡頭人未歸河邊酒家堪寄
宿主人小女能縫衣故人高卧黎陽縣一別三年不

唐詩卷之六十一
相見邑中雨雪偏着時隔河東郡人遙羨鄴都唯見
古時丘漳水還如舊日流城上望鄉應不見朝來好
是懶登樓

薛業洪州客舍寄柳博士芳一首

去年燕巢主人屋今年花發路傍枝年七爲客不到
舍舊國存亡那得知胡塵一起亂天下何處春風無
別離

岑參臨洮客舍留別祁四一首

無事向邊外至今仍不歸三年絕鄉信六月未春衣
客舍洮水聒孤城胡鴈飛心知別君後開口咲應稀

岑參七月二日在內學見有高近道舉徵宿

關西客舍寄東山嚴許二山人一首

雲送關西兩風傳渭北秋孤燈燃客夢寒杵搗鄉愁
灘上思嚴子山中憶許由蒼生今有望飛詔下林丘
黃麟郡中客舍一首

蟲響亂啾七更人正數籌魂歸洞庭夜霜卧洛陽秋
微月有時隱長河到曉流起來還囑鴈鄉信在吳洲

杜甫客居一首

客居所居堂前江後山根下塹萬尋岸蒼濤鬱飛翻
葱青衆木梢邪豎雜石痕子規晝夜啼壯士斂精魂

峽開四千里水合數百源人虎相半互相傷終兩存
蜀麻久不來吳塩擁荆門西南失大將商旅自星奔
今又降元戎已聞動行軒舟子候利涉亦憑節制尊
我在路中央生理不得論卧愁病脚廢徐步視小園
短畦帶碧草悵望思王孫鳳隨其凰去籬雀暮喧繁
覽物相故國十年別荒村日暮歸幾翼北林空自昏
安得覆八溟爲君洗乾坤稷契易爲力犬戎何足吞
儒生老無成臣子憂四番篋中有舊筆情至時復援

杜甫客堂一首

憶昨離少城而今異楚蜀捨舟復深山窅然一林麓

棲泊雲安縣洎中內相毒舊疾甘戴來衰年得無足
死爲殊方鬼頭白兔短促老馬終望雲南鴈意在北
別家長兒女欲起慙筋力客堂叙節改具物對羈束
石暄厥芽紫渚秀蘆筍綠巴稼紛未稀微麥早向熟
悠悠日動江漠漠春辭木臺卽選才俊自願亦已極
前輩聲名人埋没何所得居然縮草紱受性本幽獨
平生憇息地必種數竿竹事業卽濁醪營葺恒草屋
上公有記者累奏資薄祿主憂豈濟時身遠弥曠職
看文廟筭正獻可天衢直尚想趨朝廷毫髮禪社稷
形骸今若是進退委行色

店

岑參滄水東店送唐子歸嵩陽

野店臨官路重城壓御堤
山屏灞水北雨過杜陵西
歸夢秋能作鄉書醉懶題
橋迴忽不見征馬尚聞嘶

岑參楊固店一首

客舍梨葉赤隣家聞搗衣
夜來嘗有夢墜淚緣思歸
洛水行欲盡緱山看漸微
長安抵千里何事信音稀

驛

盧照鄰奉使益州至長安發鍾陽驛一首

躋險方未夷乘春聊騁望
落花赴丹谷奔流下青嶂

歲蕤芳樹滋滉漭春江漲
平川看釣侶狹徑聞樵唱
魚戲綠苔前鶯歌白雲上
耳目多異賞風烟有奇狀
峻阻將長城高標吞巨舫
聯翩事羈勒辛苦勞疲恙
夕濟幾潺湲晨登每惆悵
誰念復芻狗山河獨偏喪

張說古泉驛一首

昔聞陳仲子守義辭三公
身賃妻織履樂亦在其中
豈無窮賤苦羞與傾巧同
長白臨河上於陵入濟東
我今至行此感嘆石泉空

韋鎰經望湖驛一首

大漠無屯雲孤峯出亂柳
前騎白登道顧失飛狐口

唐詩類苑

卷之八

七

十一

十一

十一

唐詩卷之八十七 卷之八十七 卷之八十七
十一 卷之八十七
遙憶代王城俯臨恒山後纍纍多古墓寂寞為墟久
豈不固金湯終聞擊銅斗交權初仗信接讎翻貽咎
埋寶賊夫人磨笄傷彼婦功成行且薄義立名不朽
莫慎纖微端其何社稷守身殘國遂亡此亦人君醜

杜甫通泉駙南去通泉縣十五里山水作一

首

溪行衣自濕亭午氣始散冬濕蚊蚋集人遠鳧鴨亂
登頓生曾陰欹傾出高岸駙樓衰柳側縣郭輕烟畔
一川何倚麗盡日窮杜觀山色遠寂寞江光夕滋漫
傷時愧孔父去國同王粲我生苦飄零所歷有嗟嘆

宋之問至端前駙見杜五審言沈三佺期闔

五朝隱王二無競題壁慨然成詠一首

逐臣北地承嚴譴調到南中每相見豈意南中岐路
多千山萬水分鄉縣雲遙雨散各翻飛海闊天長音
信稀處七山川同瘴癘自憐能得幾人歸

王勃白下驛餞唐少府一首

下駙窮交日昌亭旅食年相如何用早懷抱即依然
浦樓低晚照鄉路隔風烟去去如何道長安在日邊

宋之問題大庾嶺北驛一首

陽月南飛鴈傳聞至此迴我行殊未已何日復歸來

唐詩卷之八十一 七 在房音 十一 松齋周本
江靜潮初落林昏瘴不開明朝望卿處蕉耳隴頭梅
張說還至端州驛前與高六別處一首

舊館分江口悽然望落暉相逢傳旅食臨別換征衣
昔記山川是今傷人代非往來皆此路生死不同歸
張說深渡驛一首

旅宿青山夜荒庭白露秋洞房懸月影高枕聽江流
猿響寒巖樹螢飛古驛樓他鄉對搖落併覺起離憂
蘇頲曉發方驛驛一首

傳置遠山蹊龍鍾蹠澗泥片陰常作雨微照已生霓
鬢髮愁氛換心情險路迷方知向蜀老偏識子規啼

李白至鴨欄驛上白馬磯贈裴侍御一首

側疊萬古石橫爲白馬磯亂流若電轉舉棹揚珠輝
臨驛卷緹幕升堂接繡衣情親不避馬爲我解霜威

杜甫宿白沙驛一首

水宿仍餘照人烟復此亭駟邊沙靑白湖外草新青
萬象皆春氣孤槎自客星隨波無限月的的近南溟

唐詩類苑 卷之八十七 唐房部 十一 物亦周本
唐詩類苑 第八十七卷終

